

Tuzla, 08.04.2024.
Br. protokola: KP-I-179/24
Broj javnog poziva: 6-FAZ-1/24

PROGRAM PODRŠKE RAZVOJU ZAJEDNICE

Fond aktivne zajednice

Javni poziv za podršku projektima lokalnih grupa za razvoj zajednice

Fondacija tuzlanske zajednice (u daljnjem tekstu: Fondacija) poziva organizacije i neformalne grupe građana da predlože projekte koji će omogućiti građanima da se aktivno uključe u aktivnosti i kreiranje sadržaja za dobrobit zajednice i rješavanje zajedničkih problema u Tuzlanskom kantonu.

U partnerstvu sa Freudenberg fondacijom i Njemačkim saveznim ministarstvom za vanjski razvoj (BMZ), Fondacija objavljuje Javni poziv za dodjelu finansijske podrške projektima sa područja Tuzlanskog kantona.

Podrška se realizuje kroz projekat “**Jačanje civilnog društva i demokratske kulture u Tuzlanskom kantonu**” koji ima cilj doprinijeti unaprijeđenju okruženja za podršku aktivnom civilnom društvu i društvenim inovacijama koje su usmjerene održivom, ekološkom i inkluzivnom razvoju Tuzlanskog kantona. Projekat realizuje Fondacija tuzlanske zajednice u partnerstvu sa Mrežom aktivnih zajednica, a uz finansijsku podršku Freudenberg fondacije i Njemačkim saveznim ministarstvom za vanjski razvoj (BMZ).

Ukupna finansijska vrijednost izdvojena za podršku projektima u ovom javnom pozivu iznosi 20.000,00 KM.

CILJEVI FONDA

Osnovni cilj Fonda je unapređenje i razvoj aktivnih zajednica na području Tuzlanskog kantona, kroz sufinansiranje projekata i inicijativa aktivnih građana za rješavanje zajedničkih problema, uz maksimalno korištenje svih raspoloživih lokalnih resursa i promociju suradnje između javnog, civilnog i poslovnog sektora.

KO MOŽE APLICIRATI?

Aplicirati mogu Lokalne grupe za razvoj zajednice, aktivne članice Mreže aktivnih zajednica, i to s područja:

- Grada Tuzla: **Dobrnja, Gornja Tuzla, Husino, Par Selo, Simin Han, Solina, Brčanska Malta, Dragunja, Lipnica, Kreka,**
- Grada Srebrenik: **Tinja,**
- Općine Kalesija: **Seljublje, Kalesija Centar**
- Grada Živinice: **Donje Dubrave**
- Grada Lukavac: **Lukavac Mjesto, Turija, Hrvati, Sižje**
- Općine Čelić: **Šibošnica, Nahvioci**
- Općine Banovići: **Banovići**



- Općina Dobož Istok: **Klokotnica**

ROK ZA PRIJAVU

Poziv za prijem aplikacija **otvoren je od 08. aprila do 05. maja 2024. godine.**

ŠTA PODRŽAVAMO?

- Inovativne projekte iz različitih područja društvenog života koji odgovaraju na potrebe lokalne zajednice prema dostavljenom akcionom planu na godišnjem nivou lokalne zajednice.
- Projekte koji promovišu građanski aktivizam i volonterizam i zasnovani su na volonterskom angažmanu aplikanata.
- Projekte koji su usmjereni na konkretno rješavanje određenog problema ili zadovoljenje određene potrebe u zajednici.
- Podržavamo projekte koji traju od 1 mjesec do maksimalno 6 mjeseci.
- Projekti moraju biti implementirani u periodu od maja do kraja novembra 2024. godine.
- Vrijednost podrške po jednom projektu može biti u rasponu od **500,00 KM do 3.000,00 KM.**
- Prednost imaju zajednice koje nemaju trenutno aktivan projekat.

KAKVE PROJEKTE PODRŽAVAMO?

Podržavamo projekte iz različitih oblasti koje odgovaraju na potrebe lokalne zajednice ili su usmjerene na rješavanje određenog problema u zajednici. **Potrebe i problemi koji se rješavaju moraju biti izraženi u akcionom planu zajednice.**

Shodno rezultatima istraživanja [Vitalni znaci 2019.](#), prednost dajemo projektima koji su usklađeni sa prioritarnim potrebama lokalnih zajednica u Tuzlanskom kantonu, te izazovima na globalnom nivou definisanim [UN Globalnim ciljevima održivog razvoja](#). U okviru ovog poziva, želimo podržati projekte koji potiču inovativna međusektoralna partnerstva i koji će unaprijediti sljedeće oblasti življenja:

- **OČUVANJE PRIRODE, BRIGA O OKOLIŠU I KLIMI;**
- **KVALITETNO OBRAZOVANJE I CJELOŽIVOTNO UČENJE;**
- **SMANJENJE NEJEDNAKOSTI I LJUDSKA PRAVA;**
- **RAZVOJ PODUZETNIŠTVA I PODUZETNIČKOG DUHA.**

Više o oblastima podrške u kriterijima poziva.

KAKO APLICIRATI?

Aplicirati možete isključivo putem [platforme za online apliciranje](#) koja se nalazi na web stranici Fondacije tuzlanske zajednice. Ukoliko prvi puta aplicirate preporučujemo da prvo pogledate upute za popunjavanje online aplikacije.

Nakon što online aplikacija bude prihvaćena aplikant će dobiti potvrdu o prijemu na mail. Nakon uvida u projektnu aplikaciju od strane grant tima, aplikant će putem e-maila dobiti potvrdu prijema (pdf dokument ispunjene aplikacije), koji ste dužni u roku od 7 dana dostaviti, potpisanu i ovjerenu u dva štampana primjerka, na adresu Fondacije: Sead Bega Kulovića br 4, 75000-Tuzla (lično ili poštom).

Ukoliko vam je potrebna podrška pri ispunjavanju online aplikacije možete se obratiti direktno u kancelariju Fondacije tuzlanske zajednice, na broj telefona 035/368-388 i 061/229-179 kontakt osoba ispred Fondacije je Melika Mulaosmanović ili putem e-mail-a: inicijative@fondacijatz.org sa naznakom **„Fond za aktivne zajednice - JAVNI POZIV 6– FAZ – 1/2024“**



Od formalno registrovanih organizacija se traži da pored ispunjene aplikacione forme (putem online modula), dostave i sljedeću dodatnu dokumentaciju i to:

- rješenje o registraciji – samo za aplikante koji prvi puta apliciraju Fondaciji (kopija),
- statut Udruženja – samo za aplikante koji prvi puta apliciraju Fondaciji (kopija),
- finansijski izvještaj za prethodnu godinu (bilans stanja i bilans uspjeha-kopija),
- dokaz o otvorenom žiro računu u banci (kopija), i
- izjavu o partnerstvu, ako se radi o partnerskim projektima.

Finansijska podrška neće biti dodijeljena projektima koji su nepotpuni, kao ni onima koji pristignu nakon navedenog roka ili ne budu dostavljeni na prethodno navedeni način, kao i onima koji dostave prijave na neodgovarajućim obrascima.

USLOVI ZA DODJELU FINANSIJSKE PODRŠKE

Aplikanti su dužni omogućiti grant timu Fondacije da, prije dodjele granta, izvrši procjenu rada i poslovanja organizacije u prethodnom periodu. Ovakva procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga. Samo organizacije koje zadovolje proces ove procjene mogu dobiti novčanu podršku.

Neformalne grupe koje dobiju podršku za svoj projekat, će realizovati aktivnosti tako što će sva plaćanja za troškove nastale u toku trajanja projekta plaćati direktno Fondacija, a dužnost neformalne grupe je da pripremi predračune i račune te iste dostavi Fondaciji.

Po finalnom odabiru projekata i objavljivanju rezultata na web stranici Fondacije, bit će otvoren rok za žalbe u trajanju od 7 radnih dana. Pravo na žalbu imaju svi aplikanti koji nisu zadovoljni svojom pozicijom na rang listi odobrenih grantova. Žalba će biti riješena u kratkom roku od strane menadžmenta Fondacije.

Preporuka svim aplikantima je da pročitaju detaljne informacije i upute za popunjavanje online aplikacije i kriterije koji se nalaze na web stranici Fondacije (www.fondacijatz.org).



Sabina Sinanović Čatibušić
Direktorica odjela
za implementaciju programa i projekata